


刺
病
會
金
刺



大明會典卷之一百

禮部五十九

給賜一

朝廷給賜番夷及官員人等事例不一。或出一時特恩不可勝紀。今舉其可考者具列于後。其軍功賞例。則見于兵部武選司賞賜項下。

諸司職掌

一凡諸番四夷朝貢人員及公侯官員人等一切給賜。如往年有例者。止照其例。無例者。斟酌高下等第。題奏定奪。然後本部官具本奏。

間關領給賞

一凡賞賜金銀鈔錠疋帛之類。金銀請長隨內官關領。疋帛係內承運庫收貯。冠帶衣靴係工科工部官收掌。鈔錠係戶部官收掌。主客部官分投關領。其物或於

奉天門或

奉天殿丹陛或

華蓋殿。用卓頓放。引受賜人朝北立。置物於前。受賜人叩頭畢。以物授之。如多至十人百人。則先以所賜之物。唱名分授。各人行列叩頭畢。

於該科出帖。赴

午門倒換勘合。照出所賜之物。復令次日謝

恩

一凡遠夷之人。或有長行頭匹。及諸般物貨。不係貢獻之數。附帶到京。願納入官者。照依官例具奏。關給鈔錠。酬其價值。

在京文武官員人等

公差人員附

事例

登極

宣德十年。

皇帝登極。賜在京文武羣臣及軍民人等銀絹布鈔。公銀六十兩。侯伯駙馬五十兩。一品二品四十兩。三品二十兩。四品至五品遞減五兩。六品至九品遞減二兩。雜職三兩。故侯伯之家。及未承襲者。各十兩。將軍校尉軍匠人等。各二兩。優給幼官。并紀錄幼軍。各於其例減半。辦事官。監生生員人材。吏典陰陽醫士樂人。各絹一疋。在京廂民工匠厨役僧道人等各布一疋。營造山陵軍人。鈔一百貫。乾魚三斤。聽選公差。及四夷朝貢人員。各賜鈔有差。

修實錄

永樂元年。賜監修官銀一百兩。絲幣六表裏。織金紗衣一套。鞍馬一副。總裁官銀八十兩。絲幣五表裏。織金紗衣一套。鞍馬一副。纂修官銀五十兩。絲幣四表裏。紗衣一套。催纂兼謄寫官銀三十兩。絲幣二表裏。紗衣一套。催纂官銀二十五兩。絲幣二表裏。紗衣一套。謄寫監生生員儒士。各銀十兩。鈔三十錠。絲幣一表裏。謄寫吏。各銀八兩。鈔三十錠。絲幣一表裏。催督官。鈔二十錠。絹二疋。辦事吏。各鈔

二十錠。絹一疋。○弘治四年。賜監修并總裁官銀八十兩。線段四表裏。羅衣一套。鞍馬一副。副總裁銀八十兩。線段四表裏。羅衣一套。纂修官銀三十兩。線段四表裏。羅衣一套。催纂官銀二十兩。線段二表裏。羅衣一套。騰錄官銀十五兩。線段二表裏。羅衣一套。收掌文籍官銀十兩。線段二表裏。騰錄監生銀五兩。線段一表裏。辦事吏典鈔二十錠。絹一疋。各色人匠鈔二十錠。布一疋。官陞擢事故去任及監生事故去者。久近不一。賞賚有差。

視學

成化元年。

車駕視學。祭酒率學官上表謝。

恩賜襲封衍聖公紵絲衣一套。犀帶一條。顏孟子孫。五經博士。紵絲衣一套。帶一條。各紗帽一頂。其餘族人。俱紵絲衣一套。講官祭酒司業。大紅織金紵絲羅衣各一套。監丞以下。青織金紵絲各一套。監生各鈔五錠。吏典二錠。

冊立東宮

弘治元年。文武官各分五等。一等賜紵絲二

表裏。二等至四等一表裏。五等紗一疋。南京同。公差等項官亦同。京衛外衛見操官軍。及侍衛帶刀直宿。錦衣府軍等衛。御馬監。并武驤左等四衛官舍將軍旗軍勇士。

午門等門。并正陽等九門官軍。銀一兩。錦衣等衛所官絹一疋。力士旗校軍奴。并監局軍匠。米一石。

內府軍廚民匠。太常光祿寺廚役米七斗。

經筵

凡

經筵初開。知經筵同知經筵侍班講書展書等官。例賜銀幣鈔錠。各有等第。其日講官。或賜冠帶衣服等件。出自

特恩

時節給賜

凡每歲端午節。文武百官俱賜扇。并五綵壽絲縷。若大臣及經筵官。或別賜扇。并綵條艾虎等物。各以品級為等。

凡每歲各處進貢時鮮。如青梅枇杷楊梅雪梨藕笋鱒魚諸物。賜文武大臣。及日講官。各

以品級為等

公差

凡總兵鎮守提督巡撫等官辭

朝。例賜銀幣寶鈔等物。各以事之輕重為等

凡文武大臣奉

旨勘事回還。及督工選軍審囚等項事畢。例賜鈔幣羊酒等物。各以事之輕重為等

考滿

凡文職大臣考滿。有賜寶鈔羊酒者。以品級為等。其有賜宴及

勅諭者。出自

特恩

患病

凡文武大臣患病。有賜羊酒米蔬等物者。皆出

特恩

省親

凡在京官員。給假省親。例賜路費鈔錠。各以品級為等

致仕

凡文職大臣致仕。有賜勅及銀幣等物者。皆出特恩。

節令

洪武十六年。令在京文武官吏人等。正旦元宵節錢支與胡椒斤兩不等。○十七年。令冬至節錢支鈔不等。○二十二年。重定賞例。公侯伯鈔十錠。武職一品二品七錠。三品至八品五錠。文職二品至六品六錠。七品至九品三錠。未入流官二錠。監生一錠。俳色長一錠。

樂工二貫。樂舞生三貫。各寺守座住持一錠。衆僧一貫。○二十六年。令自今

聖節日。在京官吏監生軍民僧道並賜鈔。○永樂二十二年。令

皇親遇節令。照例賜鈔。若大臣不預宴。公侯伯都督尚書。賜鈔一千貫。侍郎五百貫。○宣德正統以後。遇節令。文武官及外夷人員。并國師以下。除有宴外。其餘官吏人等。俱照例關支節錢。官并監生。鈔一錠。儒士知印吏典僧道樂工。二貫。若奉

旨免宴關與節錢。大小官員各鈔一錠。

慶賀

凡各

王府差來進表箋人員。每人賜盤纏鈔十錠。南京
并在外三司官及諸司差來人員各五錠。各
王府差來進禮物人員。二十錠。內外官員。
內府別給綵段一表裏。鳳陽等處

皇陵祠祭署官員。社長。土民。陵戶。女戶人等。朝賀到
京。鈔十錠。南京并三司官。進表回辭

朝。別賜鈔。出自

特恩

大明會典卷之一百

大明會典卷之一百一

禮部六十

給賜一

諸番四夷土官人等一

事例

朝鮮國

洪武間。賜國王金印。并大統曆錦繡絨綺。王母妃金綺紗羅。相國等官綵段紗羅。永樂間。給國王冕服九章。圭玉佩玉。春秋會通大學衍義等書。王父紵絲紗羅。妃珠翠七翟冠。紅紵絲大衫。素紵絲圓領霞帔金墜。又給綾絹。

茄藍香帽珠。鍍金銀。厚象牙犀角。通鑑網目。列女傳等書。腦麝沉檀白花蛇等藥。正統間。給遠遊冠。絳紗袍。翼善冠。龍袞。玉帶。數各不等。其品物同者。不復具列。又以本國奏乞弓材牛角。特許歲買五十枝。

一常貢馬匹方物。例不給價。

一差來進貢陪臣。賞織金紵絲衣一套。綵段四表裏。絹五疋。書狀通事押物等官。每人素紵絲衣一套。二表裏。絹二疋。布一疋。從人絹衣一套。布一疋。俱靴襪一雙。

一差來奏事陪臣。賞織金羅衣一套。二表裏。絹二疋。通事每人。素羅衣一套。一表裏。布二疋。從人絹衣一套。布一疋。靴襪同前。

暹羅國

洪武間。賜國王。大統曆。織金紵絲紗羅等物。永樂十五年。給王錦四疋。紵絲紗羅各十疋。內各織金四疋。王妃紵絲紗羅各六疋。內各織金二疋。宣德間。各減半。以後俱照此例。一賞賜使臣。正副使。及通事總管。客人番伴。初到賞及正賞。衣服紵絲絹布靴襪。及金銀。

帶紗帽諸物有差

一使臣人等進到物貨例不抽分給與價鈔
一給賞畢日出給告示許於會同館開市除
書籍及玄黃紫皂大花西番蓮段疋并一應
違禁之物不許收買其餘聽貿易

琉球國

洪武十六年賜國王鍍金銀印并文綺等物
山南王亦如之。後賜中山王。山南王。山北王。
紵絲紗羅冠服。王妃紵絲羅。王姪王相塞官
絹公服

一賞賜差來正議大夫長史使者通事從人
衣服紵絲布絹及差來王弟王男衣服冠帶
紵絲有差

一正貢例不給價。附來貨物官抽五分買五
分

占城國

洪武二年賜國王鍍金銀印并大統曆使臣
文綺紗羅各一疋。仍給冠帶。永樂元年賜國
王錦二疋。紵絲六疋。紗羅各四疋。王妃紵絲
四疋。紗羅各三疋。以後俱照此例

一貢物例不給價

一賞賜差來王弟王孫并通事總管火長從人衣服紵絲紗羅有差

真臘國

洪武六年。賜國王。大統曆并綵段等物。景泰三年。賜王錦二段。紵絲六疋。紗羅各四疋。王妃紵絲四疋。紗羅各三疋。

一賞賜差來頭目并通事總管火長衣服紵絲絹布有差

安南國

洪武元年。賜國王。鍍金銀印并大統曆綵段等物。景泰二年。照朝鮮國宣德十年例。給賜綵段十表裏錦四段。

一賞賜差來陪臣鈔綵段織金衣服。行人從人鈔綵段紗羅衣服有差

一開市貿易與暹羅國同

日本國

永樂間。賜國王冠服紵絲紗羅金銀古器書畫等物。宣德十年。回賜國王紵絲二十表裏紗羅各八疋。錦二疋。銀二百兩。妃銀一百兩。

以後俱照此例

一賞賜差來正副使并僧人居座土官通事
初到賞僧衣靴帽及正賞紗羅紵絲絹布銅
錢諸物有差

一正貢例不給價。正副使自進并官收買附
來物貨俱給價。不堪者令自貿易

爪哇國

永樂初賜東西王紵絲紗羅帳幔手巾羊酒
器皿。王妃紵絲紗羅手巾等物。正統三年賜
王紵絲十疋。紗羅各三疋。妃紵絲六疋。紗羅

各二疋。以後回賜不為例。景泰三年因王求
討給傘蓋一把。蟒龍衣服一領

一賞賜使臣通事頭目人等。初到賞織金素
羅衣服靴襪。正賞紵絲紗羅絹布。女使并女
頭目俱同

一貢物例給價

瑣里國

洪武五年賜國王。大統曆及織金線段紗羅
各四疋。使臣線段紗羅各二疋。儻從高麗布
各二疋

西洋瑣里國

洪武三年。以其國來朝。涉海道遠。賜賚甚厚。永樂元年。許來朝。附載胡椒等物。皆免稅。

三佛齊國

洪武四年。賜國王。大統曆。及綵段。紗羅。使臣。紗羅。綵段。有差。六年。賜國王。二十四疋。正使。三人。各二疋。衣一套。副使。二人。各一疋。通事。以下。布帛。有差。十年。給王及使臣。織金綵段。紗羅。靴襪等物。有差。

淳泥國

洪武四年。賜國王。織金綵段。紗羅。及使者。綺。帛。有差。永樂六年。給王冠帶。襲衣。王子還國。賜金。廂玉帶一條。金百兩。銀三千兩。及錢鈔。錦綺。羅衾。褥帳。幔器。皿等物。王母。王叔。以下。各有賜。俱加厚。一正賞外。附帶物。貨俱給價。

百花國

洪武十一年。賜國王。及使者。織金綵段。紗羅。衣服。有差。

彭亨國

洪武十一年。賜國王王妃紵絲紗羅共四十
八疋。使臣織金線段衣服有差

淡巴國

洪武十年。賜國王織金線段紗羅。使臣線段
襲衣等物有差

古里國

永樂間。賜國王王妃紵絲紗羅等物

滿刺加國

永樂三年。賜國王線段襲衣。九年。賜錦繡龍
衣二套。麒麟衣二套。及金銀器皿帷帳裊褥。

王妃及其子姪陪臣僮從。線段紗羅襲衣有
差。王還國。給金廂玉帶一條。儀仗一副。鞍馬
二疋。金百兩。銀五百兩。鈔四十萬貫。銅錢二
千六百貫。錦綺紗羅三百疋。絹一千疋。金綺
二疋。織金文衣二件。王妃冠服一副。及銀鈔
錦綺紗羅等物。陪臣賞物有差。其後給賞俱
從厚

一正賞外。附來貨物皆給價。其餘貨物許令
貿易

安羅國

永樂四年。賜國王紵絲紗羅共十六疋。織金大紅錦手巾一副。王妃紵絲紗羅共八疋。正副使并從人。鈔紵絲羅并衣服靴襪。

小葛蘭國

永樂五年。差內官給賜頭目紵絲紗羅共十一疋。

阿魯國

永樂五年。差內官給賜頭目紵絲紗羅共十疋。

榜葛刺國

永樂三年。賜國王紵絲紗羅各四疋。絹八疋。王妃紵絲紗羅各三疋。絹六疋。十二年。給國王錦四段。綾六十疋。頭目人等給賞有差。

錫蘭山國

宣德八年。賜國王紵絲十八疋。紗四疋。王妃紵絲八疋。紗四疋。正使正賞綵段八表裏。折鈔絹十疋。紗羅三疋。織金紵絲衣一套。副使正賞綵段四表裏。折鈔絹七疋。紗羅各二疋。織金紵絲衣一套。通事番伴人等。給賞有差。一使臣人等自進物。俱給價。

蘇門答刺國

永樂三年。賜國王綵段襲衣。宣德六年。賜錦二段。紗羅各四疋。絹十三疋。妃紵絲五疋。紗羅各四疋。絹六疋。進馬回賜綵段二十表裏。以後俱照此例。正使賞綵段五表裏。紗羅各一疋。折鈔絹四疋。通事頭目使臣妻等。各賞有差。

一正貢外。使臣人等自進物。俱給價。

蘇祿國

永樂間。賜國王紗帽金廂玉帶釵花金帶金

蟒龍等衣服。金銀錢鈔珍珠錦紵絲紗羅器皿鋪陳等物。王妃冠服銀錢鈔紵絲等物。王男女親戚頭目使女冠帶衣服諸物。各有差一貨物例給價。免抽分。

土官

永樂二年。給賜土官衙門

木邦

八百大甸

麓川平緬

緬甸

車里

老撾六宣慰使司

干崖

大候

里馬

茶馬四長官司

潞江安撫司

孟良

孟定

灣甸

鎮康等府

各給信符。勘合金字紅牌。其制銅鑄信符五面。內陰文者一面上有文行忠信四字。與四面合。編某字一號。至一百號。批文勘合底簿。其字號如車里以車字為號。緬甸以緬字為號。陰文信符勘合俱付土官。底簿付雲南布政司。其陽文信符四面及批文一百道藏之。

內府。凡

朝廷遣使。則齎陽文信符及批文各一。至布政司比同底簿。方遣人送使者以往。土官比同陰文信符及勘合。即如

命奉行。信符之發。一次以文字號。二次行字號。周而復始。又置紅牌鑲金字

勅書諭之。凡有調發及當辦諸事。須憑信符乃行。如越次及比字號不同。或有信符而無批文。有批文而無信符者。即是詐偽。許擒之。赴京治以死罪。又編勘合一百道付各衙門。勘合

底簿一扇付布政司。凡有軍民疾苦及奉信符辦過事務進貢方物之類俱於勘合內填寫遣人齎至布政司。比號寫底簿。布政司都司遣官同齎所填勘合奏。

聞。若邊境聲息及土人詞訟。從都司布政司按察司官會同計議行之。其事已行及承行緣由。並填寫勘合奏。

聞。如總兵官鎮守。遇有前事。總兵官亦會三司計議。仍用都司或布政司印信文書寫總兵官處分之語。方許奉行。亦填寫勘合具奏。若

朝廷命總兵官掛將軍印往討。調遣軍馬。不待三司文移。即時發遣。亦填寫勘合。差人奏

聞。填寫勘合。或字畫錯誤。明白圈註。以本司印信鈐蓋。凡所收底簿及勘合用之。將盡具奏再頒。或總兵官都司布政司等官。新除官到任。及遇時節。不許齎禮物相慶。仍以紙寫一道付之。或有貪婪無藉凌害者。不待填寫勘合。止具本遣人齎。

勅。不經總兵官及三司徑赴京陳奏者。治以重罪。一給賞差來到京土官弟男頭目人等各照

衙門品級高下為差

三品四品鈔一百錠。綵段三表裏

五品鈔八十錠。綵段三表裏

六品七品鈔六十錠。綵段二表裏

八品九品鈔五十錠。綵段一表裏

雜職衙門并頭目人等自進馬匹方物鈔

四十錠。綵段一表裏

差來通把事頭目每人鈔二十錠。綵段一

表裏

隨來土官弟男并把事頭目人等每人鈔

二十錠。從人伴吏每人鈔一十錠

數內有進馬一二疋與方物輕者止照雜

職例賞

凡該賞半表裏者折與闊生絹二疋。鈔錠

并馬價照舊

凡到京過期者減半給賞。後或全賞。弘治

三年以後。正月內到者亦全賞。二月內到

者減半

迤北

瓦剌

永樂宣德間。賜順寧王綵段十表裏。妃五表

裏頭目一等者五表裏。二等至四等者四表裏。○正統二年。賜脫脫不花王。綵段十五表裏。虎斑絹十疋。妃八表裏。頭目一等八表裏。二等六表裏。三等五表裏。四等四表裏。外有加賜。後一等二等遂為定例。三等止與三表裏。或二表裏。四等五等皆二表裏。○六年。賜太師也先段絹。如脫脫不花王。其妻每口五表裏。一等二等數內頭目。每人加賜織金綵段一表裏。天順以後。一等二等者不加賜。三等者俱二表裏。

一賞賜差來正副使臣。每人賞織金衣服一套。靴轆各一雙。

七年賞例

一等正副使初到。織金紵絲衣一套。紅氈帽一頂。靴轆各一雙。

正賞綵段六表裏。絹二疋。

二等使臣初到賞同。

正賞綵段四表裏。絹三疋。

三等帶牌并使臣初到賞同。

正賞綵段二表裏。絹二疋。

四等。初到。賞紵絲衣一套。小男與小衣。紅氈帽一頂。靴鞵各一雙。

正賞綵段一表裏。絹一疋。

五等各頭目。差來使臣下從人。初到賞與四等同。

正賞綵段一表裏。

正副使妻。初到。賞織金紵絲女衣一套。靴鞵各一雙。

正賞綵段二表裏。絹二疋。

衆使臣妻女。初到。賞絹女衣一套。小女賞小

女衣。靴鞵各一雙。

正賞絹二疋。

從人妻。初到。賞絹女衣二件。靴鞵各一雙。

正賞絹一疋。

自來男婦。

男子初到。賞絹衣二件。小男與小衣。紅氈帽一頂。

正賞絹一疋。

婦女初到。賞絹衣二件。小女與小衣。靴鞵各一雙。

正賞與男子同

後定賞例

一等正副使。每人賞綵段六表裏。絹五疋。

二等使臣。綵段四表裏。絹三疋。

三等綵段二表裏。絹二疋。

四等綵段一表裏。絹一疋。俱與紵絲衣一套。

紅氍帽一頂。靴襪各一雙。數內婦女不與紅

氍帽。

使臣自進中等馬。每匹綵段二表裏。折鈔絹一

二疋。下等馬。綵段一表裏。絹八疋。折鈔絹一

疋。下下等馬。綵段一表裏。絹六疋。折鈔絹一

疋。

帶進在彼頭目馬匹。不分等第。每匹回賜綵

段二表裏。

給賜在彼頭目。

一等每人綵段八表裏。

二等六表裏。

三等三表裏。

四等二表裏。

一等二等緊要頭目。加賜織金綵段一表裏。

一回賜。永樂九年。回賜順寧等王。上等馬者。各絲段十表裏。海青一連。四表裏。白狐皮二十七箇。四表裏。○宣德間。回賜順寧王。及使臣人等。進馬中等者。每匹二表裏。折鈔絹二疋。下等者。紵絲一疋。絹八疋。折鈔絹一疋。下者。絹六疋。折鈔絹一疋。駝每隻三表裏。折鈔絹十疋。中途寄留倒死。新生駒馬。每匹絹三疋。折鈔絹半疋。駝每隻絹六疋。折鈔絹一疋。海青一連。一表裏。銀鼠皮二百箇。十二表裏。貂鼠皮三箇。絹一疋。青鼠皮十箇。絹一疋。

土豹一箇。絹七疋半。○正統元年。回賜使臣。銀鼠皮每六箇。絹一疋。玉石每一斤。絹一疋。○二年。回賜脫脫不花王。及頭目使臣人等。馬每疋。二表裏。貂鼠皮五十箇。四表裏。使臣者。每二箇。絹二疋。銀鼠皮五十箇。二表裏。使臣者。十五箇。絹一疋。白兔皮三箇。絹一疋。白狐皮一箇。絹一疋。小廝一名。二表裏。○三年。貂鼠皮每十箇。一表裏。○四年。貂鼠皮每三箇。絹一疋。使臣人等。到京。續進馬。俱照下等馬例。回賜。○五年。回賜銀鼠皮與熟紅絹。○

六年。青鼠皮每二十箇。絹一疋。使臣人等馬分三等。脫脫不花王。并太師也先馬。不分等第。○八年也先阿魯骨馬每匹。六表裏。使臣馬每匹。四表裏。絹八疋。○九年。進西馬者。每匹。五表裏。絹十疋。撒哈刺每段。絹九疋。○十二年。阿魯骨馬回賜。四表裏。一求討。在彼頭目。一等二等。并三等內。有係虜首親。及親信用事者。俱請

旨給賜。○弘治三年。三等以下。不給賜。差來使臣。弘治元年。并三年。四年。俱有特賜。

一貿易。本部出給告示。除違禁物。不許貿易。其段絹布疋。聽於街市。與官員軍民人等。兩平買賣。正統十年。許買賣五日。○十二年。許瓦剌使臣賣馬。○景泰元年。許買銅湯瓶。鍋。紅纓鞍轡。剪子等物。

泰寧衛 朵顏衛 福餘衛

凡差來。并自來。都督賞綵段。四表裏。絹二疋。都指揮。綵段三表裏。絹二疋。指揮。百戶。所鎮撫頭目。每人。綵段二表裏。絹一疋。各織金紵。絲衣一套。各加綵段一表裏。舍人。每人。綵段

二表裏。絹一疋。織金衣一套。達子每人。綵段一表裏。絹一疋。素紵絲衣一套。婦女有進貢者。每人一表裏。絹一疋。紵絲女衣一套。隨來婦女一表裏。絹一疋。絹女衣一套。以上靴襪各一雙。奏事進貢都指揮。絹二疋。綵段三表裏。織金衣一套。指揮每人。絹一疋。綿布一疋。綵段二表裏。紵絲衣一套。靴襪各一雙。舍人因事進貢者。每人。綵段一表裏。織金衣一套。絹一疋。靴襪各一雙。

一回賜。自進并帶進過馬疋。不分等第。每匹

一回賜。綵段二表裏。絹一疋。駝每隻三表裏。絹十疋。在衛都督都指揮。每員加賜綵段一表裏。

一貿易。領賞畢日。許於會同館開市三日。鋪行人等照例將貨入館兩平交易。其回還沿途貨買牛隻犁鏵鐵鍋等件。行移鴻臚寺會同大通事。差本寺通事一員伴送。及順天府轉行薊州遵化等處。如遇三衛夷人回還。到彼聽令兩平交易。每人止許收買牛一隻。犁鏵一副。鍋一口。不許將違禁之物私自夾賣。

違者許巡按御史究治

一求討。賞賜外復有求討請

旨量與物件。到京者照名給散。在衛者請

勅開付差來人領去

海西女直

凡進貢到京。野人女直都督每人賞綵段四表裏。折鈔絹二疋。都指揮每人綵段二表裏。絹四疋。折鈔絹一疋。各織金紵絲衣一套。野人女直指揮每人綵段一表裏。絹四疋。折鈔絹一疋。素紵絲衣一套。以上靴鞢各一雙。女

直千百戶鎮撫。野人女直舍人頭目。每人折衣綵段一表裏。絹四疋。折鈔絹一疋。奏事來者。每人紵絲衣二件。綵段一表裏。折鈔絹一疋。靴鞢各一雙。

一求討。弗提衛都督。答吉祿。先次奏討冠帶。蟒衣。

欽賜大帽子一頂。金帶一條。後又因奏討。特與蟒衣一件。建州左衛都督刺哈。亦奏討大帽子金帶。亦與之。

一貿易。賞賜畢日。許開市三日。令鋪行人等

照例持貨入館兩平交易

大明會典卷之一百一

大明會典卷之一百二

禮部六十一

諸番四夷土官人等二

事例

哈密

永樂四年。賜忠順王。紵絲六十疋。絹二百一十四疋。祖母母妃。各紵絲六疋。絹六疋。嬪母。紵絲四疋。絹四疋。○六年。賜王。紵絲五十疋。絹二十疋。織金紵絲衣三套。皂鹿皮靴二雙。氈襪二雙。祖母母并妃。各綵段六表裏。○成化三年。故忠順王外孫為都督。賜銅印并織

金衣一套。○八年。其都督赴京襲職。除馬駝給價外。加賞綵段。絹織金紵絲衣。并靴襪各一賞。賜進貢到京使臣。分五等。一等。綵段五表。裏絹四疋。二等。四表。裏絹三疋。三等。三表。裏絹二疋。四等。二表。裏絹一疋。布一疋。五等。一表。裏絹一疋。俱紵絲衣一套。靴襪各一雙。存留甘州男婦人等有進貢者。照五等例賞。無者。每人絹布各一疋。奏事到京使臣。不分等第。每人綵段二表。裏絹一疋。紵絲衣一套。靴襪各一雙。○十二年。奏准。寄住苦峪城使

臣賞例。仍分五等。比前表裏絹各減其一。俱不與衣服靴襪。存留甘州有進貢者。照前五等例。無者與絹一疋。

一回賜大馬。每匹四表。裏達馬。不分等第。每匹二表。裏駝。每隻四表。裏駝羔。每隻紵絲一疋。絹二疋。倒死駝。絹六疋。折鈔絹一疋。梭眼。每段絹六疋。金銅鑽。上等。每顆絹四疋。成化十年。二等。每顆絹二疋。三等。每顆絹一疋。四等。每二顆絹一疋。五等。每顆布一疋。番砂水晶石。不與價。○弘治三年。奏准。

內府估驗定價例。玉石每斤絹一疋。夾玉石每四斤絹一疋。速來蠻石二斤絹一疋。青金石一斤絹一疋。把咱石十斤絹一疋。魚牙靶小刀每把絹二疋。鑲鐵大刀每把絹五疋。拐棍刀每把絹五疋。兩刃劍每把絹八疋。鑲鐵鏗一把鑲鐵鏡一面。各絹二疋。撒哈刺馬黑瞞每段各絹九疋。撈馥蘭每斤絹四疋。硝子阿思馬亦二箇絹一疋。鐵角皮二條絹一疋。豹皮即合列孫皮每二張一表裏。哈刺卜花二十張絹一疋。鑲鐵二斤絹一疋。螺子石六塊絹

一疋。回回木梳細者六箇絹一疋。粗者十箇絹一疋。獅子皮一張二表裏。哈刺虎刺皮每張一表裏。蛇角二枝一表裏。蛤蚧四箇絹二疋。馬服屯。即番夏布每二段絹一疋。藍花手巾三條絹一疋。石頭靶八箇。硃砂八斤。各絹一疋。雌黃十五斤絹一疋。銀鼠皮六箇。貂鼠皮三箇。青鼠皮二十箇。白兔皮三箇。白狐皮一張。駝皮獺皮每一箇。各絹一疋。梧桐鱗每十斤絹一疋。氍毹馬尺。即羊甸皮每五張絹二疋。卜刺硤兒皮。即牛甸皮每四張絹一疋。樺

皮弓。一張絹八疋。羚羊角。每四斤絹一疋。金線豹皮。一張一表裏。刀紬。番名黃馬海牙兒每段絹一疋。松都魯石。即水珀舊例每斤鈔十五貫。正統四年定。每斤添作一百貫。每二百貫折絹二疋。虎力麻。五疋絹二疋。珊瑚珠。正統中每十四兩絹四疋。今定每一兩絹二疋。鎖鎖葡萄。每斤絹一疋。硝子遮眼。番名矮納。每三箇絹一疋。使臣自進中等馬。每匹紵絲一疋。絹八疋。折鈔絹二疋。下等馬。每匹紵絲一疋。絹七疋。折鈔絹一疋。新生馬駒。中途

倒死馬。每匹絹三疋。駝。每隻三表裏。絹四疋。帶進西馬。每匹五表裏。阿魯骨馬。每匹六表裏。

一貿易使臣進貢到京者。每人許買食茶五十斤。青花磁器五十副。銅錫湯瓶五箇。各色紗羅綾段各十五疋。絹三十疋。三梭綿布夏布各三十疋。藥餌三十斤。果品沙糖乾薑各三十斤。紙馬三百張。花毯二條。顏料五斤。綿花三十斤。烏梅三十斤。皂白礬十斤。不許過多。就館中開市五日。除違禁之物。并鞍轡刀

箭外其餘段疋紗羅等項不係黃紫顏色龍鳳花樣者許官民各色鋪行人等持貨入館兩平賣買該城兵馬司差人密切關防及令通事管束毋得縱容鋪戶夷人在外私自交易如有將違禁等物及通事人等故違者許各該委官體察通行拿問其奏討沿途收買牛羊鐵鍋犁鏵者聽於臨洮府蘭州地方與軍民兩平收買不許過多仍令伴送人員及所在官司防範不許將熟鐵兵器夾賣及因而生事擾人

一求討。正統四年。忠順王奏討。與紵絲四表裏。○天順四年。王母差來使臣領去厚榜紙中夾紙各三百張。金箔一百貼。胡椒華菱各十斤。桐油十斤。白礬十斤。心紅三斤。丁香乳香檀香各三斤。良薑桂皮各五斤。細茶三十斤。洗面銅盆一箇。○成化十二年。寄居苦峪城阿兒加等奏討。加絹一疋。十三年。又准加折衣絹一疋。十五年。再加絹一疋。

哈烈

哈三

哈撒兒沙的蠻

哈失哈兒

哈的蘭

賽蘭

掃蘭

亦力把力

七克力

把丹沙

把力黑

俺力麻

脫忽麻

察力失

幹失

卜哈刺

怕刺

失刺思

你沙兀兒

克失迷兒

帖必力思

果撒思

火壇

火占

苦先

沙六海牙

牙昔

牙兒千

戎

白

兀倫

阿速

阿端

耶思城

坤城

捨黑

撒音

克亂

天方國

日落國

已上諸國賞賜例與哈密同

罕東

赤斤蒙古

永樂二年。賞賜差來都指揮指揮。絲段三表裏。織金衣一套。靴鞵各一雙。千戶。絲段二表裏。舍人一表裏。俱與紵絲衣一套。靴鞵各一雙。

一。田賜帶過中等馬。每匹二表裏。駝每隻四表裏。自進中等馬。每匹紵絲一疋。生絹八疋。百戶鎮撫。俱照千戶例賞。帶進下等馬。每匹紵絲一疋。生絹四疋。存留甘州男婦有進者。每名口一表裏。生絹一疋。無者生絹一疋。布一疋。自進駝。四表裏。

安定衛

洪武八年。賜襲封嗣王。

勅書誥命各一道。織金紵絲衣一套。絲段六表裏。諭祭已故王。祭文一道。降香一炷。新鈔一千貫。本部差通事一員。送請封人至西寧衛交割。本衛差頭目一員。齋。

勅誥衣服表裏同原來人。前去本地給賜授封。別差頭目一員。齋。降去祭文香鈔。另辦齋糧五十石。麻布五十疋。食茶二百斤。量帶軍士一同前去。

一賞賜到京國師。綵段四表裏。絹二疋。紵絲僧衣一套。舍人并使臣。每人二表裏。紵絲衣一套。僧人。每人一表裏。紵絲番僧衣一套。靴鞞各一雙。

一回賜。自進并帶進駝。每隻三表裏。絹四疋。馬。每匹二表裏。

撒馬兒罕

洪武間進貢。各賞銀。并紵絲表裏衣服等物。正統以前。賞例優厚。成化間定。王。紵絲十五疋。羅三疋。紗三十疋。熟絹十五疋。白氎絲十

疋。白將樂布十疋。洗白布五十疋。紵絲帽一頂。硃紅漆。戲金椀八箇。王妻。紵絲八疋。羅二疋。紗二疋。熟絹八疋。白氎絲五疋。白將樂布五疋。洗白布二十疋。到京使臣。并存留甘州男婦。俱行審等第。照哈密賞例。

一回賜。正統四年。金線豹。一隻八表裏。西馬。每匹五表裏。折鈔絹十疋。獅子皮。一張二表裏。金線豹皮。每張一表裏。○成化十九年。阿黑麻王獅子二隻。每隻比金線豹例。加五表裏。○弘治三年。獅子八表裏。正副使。并送養

人止正賞。無加賞。王止與回賜。無特賜。

土魯番

使臣到京并存留賞賜。自進并帶進駝馬等物回賜。及賣買。一應俱照哈密例。

烏思藏

洪武永樂以來。給賜不等。後定從四川起送來者。到京刺麻番僧人等。每人練段一表裏。紵絲衣一套。存留刺麻番僧人等。每人該賞練段一表裏。折與闡生絹四疋。紵絲衣一套。內二件。給本色衣一件。折生絹三疋。俱賞鈔

五十錠。折靴襪鈔五十錠。食茶六十斤。從洮河州起送來者。到京刺麻番僧人等。每人折衣練段一表裏。紵絲并綾貼裏衣二件。存留番僧人等。每人該賞折衣練段一表裏。折生絹四疋。紵絲并綾貼裏二件。俱與食茶五十斤。靴襪鈔五十錠。進過給軍中等馬。每匹紵絲一疋。鈔三百錠。氍毹等物。例不給價。帶進方物。面賜練段四表裏。

一賜封。本部行吏部請給

誥命。

內府各衙門關造錦二段。紵絲十表裏。袈裟僧衣一套。高頂僧帽一頂。水晶數珠一串。鈴杵二副。白磁茶鍾二箇。滿峇刺一箇。連帶。鸞帶一條。靴鞵各一雙。茶食一百斤。檀香一炷。請

勅令大慈恩寺推刺麻二人為正副使。帶領刺麻十名。同原來請封刺麻。賫奉前去番地授封。差通事一員伴送至四川布政司交割。從黎州。或天全出境。差去正副使。每人賞鈔八十錠。刺麻六十錠。俱與番僧衣一套。靴鞵各一雙。贊善王授封。從陝西洮州出境。闡化等三

王從四川出境。成化五年。授封闡化輔教二王。差去正使人等。自帶買路物件。食茶二萬五千斤。紵絲三百疋。羅一百疋。絹一千疋。青紅布三千五百疋。金箔一萬貼。胡椒一百斤。十六年。賞授封闡化王回還刺麻覺義等三十員名。正使禪師覺義。每人鈔八十錠。絲段三表裏。絹二疋。副使都綱鈔六十錠。二表裏。差去刺麻。每名鈔四十錠。一表裏。俱與紵絲。番僧衣一套。靴鞵各一雙。帶去徒衆。每人鈔二十錠。一表裏。進過纒纒等物。不給價。

長河西魚通寧遠等處

正統初賞賜宣慰使并指揮僉事自來進貢者宣慰使鈔一百五十錠。綵段二表裏。俱紵絲衣一套。僉事鈔一百錠。綵段二表裏。俱紵絲衣一套。靴鞵各一雙。襲職進貢賞同。國師并國師姪男進貢到京者。照宣慰使例。都綱刺麻番僧人等進貢到京者。每人鈔五十錠。綵段一表裏。紵絲番僧衣一套。靴鞵各一雙。食茶六十斤。存留賞同。五年。刺麻番僧進馬到京。每人鈔五十錠。綵段一表裏。折衣綵段二表裏。靴

鞵各一雙。進過馬。不分等第。每疋鈔一百錠。十年。長河西招撫生番。照本處進貢番僧例。每人止賞鈔五十錠。綵段一表裏。折衣綵段二表裏。靴鞵各一雙。仍加賞折衣綵段一表裏。景泰四年。每人鈔五十錠。綵段一表裏。木與衣服靴鞵。天順元年。照舊給賞。三年。尊勝寺清脩翊善大國師護印。帶進舍利等物。照先年烏思藏地方都指揮使等事例。量給綵段二表裏。成化初。番僧人等到京者。每人闊生絹二疋。鈔五十錠。折靴鞵鈔五十錠。折衣

綵段二表裏。存留者。除鈔絹。俱照到京例賞。其折衣綵段二表裏。每人給本色一表裏。內一表裏。折闊生絹四疋。進過纒纒等物。例不給價。帶進國師方物。給賜綵段二表裏。十二年。番人九百名來貢。無賚勘合。到京并存留。番人番僧。每人俱減絹二疋。弘治二年。尊勝等寺并葛兒拶寺刺麻番人。共一千三百名來貢。亦無賚勘合。到京番僧人等。每名減絹二疋。存留者。每名減絹三疋。

朵甘思

凡宣慰司差來到京禪師番僧人等。每人賞鈔五十錠。綵段一表裏。紵絲衣一套。存留番僧人等。每人鈔五十錠。折表裏闊生絹四疋。紵絲衣一套。內二件給本色衣一件。折闊生絹三疋。俱與折靴鞮鈔五十錠。食茶六十斤。進纒纒等物。例不給價。指揮僉事。例加絹四疋。國師比照禪師。加絹二疋。新招撫來貢者。到京。每人鈔五十錠。絹二疋。折衣綵段二表裏。折靴鞮鈔五十錠。存留者。每人鈔五十錠。裏折靴鞮鈔五十錠。存留者。每人鈔五十錠。絹二疋。折衣綵段一表裏。闊生絹四疋。折靴

靴鈔五十錠。方物俱不給價。○天順七年。彙
甘宣慰使進貢到京。賞鈔一百五十錠。綵段
四表裏。紵絲衣一套。靴鞵各一雙。

董卜韓胡

凡差來到京國師。禪師。都綱。道官。刺麻番僧
頭目。寨官人等。每人賞綵段一表裏。存留頭
目。番僧人等。每人折表裏。闊生絹四疋。俱與
折鈔絹二疋。靴鞵鈔五十錠。番僧。每人紵絲
綾貼裏僧衣一套。頭目人等。每人紵絲綾貼
裏俗衣一套。進糴糴等物。例不給價。回賜土

官。綵段十表裏。土官妻。綵段四表裏。

四川威州保縣金川寺番僧

凡金川寺進貢到京刺麻番僧。每人賞綵段
一表裏。折衣綵段二表裏。存留者。每人綵段
二表裏。其折衣綵段二表裏。內一表裏。折生
絹四疋。一表裏。折葉茶一百斤。俱與鈔六十
錠。折靴鞵鈔五十錠。糴糴等物。不給價。

雜谷安撫司

與金川寺例同

達蠻思長官司

凡達蠻思長官司。正統間進貢到京。并存留僧人等。每人賞鈔四十錠。綵段一表裏。折衣二表裏。靴鞢各一雙。○弘治二年。差來番僧人等到京者。每人鈔四十錠。一表裏。折衣一表裏。存留者。每人鈔四十錠。一表裏。折衣一表裏。仍折生絹四疋。俱與折靴鞞鈔十錠。茂州文川縣加渴尾等寺。進貢到京刺麻番僧頭目寨首。每人綵段一表裏。折衣二表裏。存留番僧人等。每人綵段一表裏。折衣二表裏。每一表裏。折絹四疋。俱賞鈔六十錠。折靴鞞

鈔五十錠。氍毹等物。不給價。

松潘茂州等處

凡進貢到京馬。每匹賞鈔一百錠。鐵甲氍毹等物。不給價。

陝西洮岷等處番僧

凡洮岷等處各寺刺麻番僧到京。并存留每人賞折衣綵段一表裏。折靴鞞鈔五十錠。馬每匹紵絲一疋。鈔三百錠。駝每隻綵段三表裏。絹四疋。不由所在官司給文起送。私自來

京謝

恩等項進貢者。止給馬駝價不賞。

洮岷等處番族

凡各番族到京并存留番人。每人賞綵段二表裏。絹二疋。鈔二十錠。折靴鞢鈔五十錠。進馬。每匹紵絲一疋。鈔三百錠。盔甲腰刀例不給賞。

番貨價值

凡番國進貢內國王王妃及使臣人等附至物貨。以十分為率。五分抽分入官。五分給還價值。必以錢鈔相兼。國王王妃錢六分鈔四分。

使臣人等錢四分鈔六分。又以物折還。如鈔一百貫。銅錢五串。九十五貫折物。以次加增。皆如其數。如奉

旨特免抽分者。不為例。

凡番國進貢船內搜出私貨。照例入官。俱不給價。其奉

旨給與者。不為例。

凡回回并番使人等進貢寶石等項。

內府估驗定價例。胡椒每斤直鈔三貫。丁香每斤一貫。葷荑每斤二貫。速香每斤二貫。木香每

斤三貫。乳香每斤五貫。蘇木每斤五百文。黃
蠟每斤五百文。油紅布每段一貫五百文。青
布每段一貫五百文。玳瑁盒每箇一貫。玳瑁
盃每箇一貫。藤竭裏襄每斤一貫。沒藥每斤
五貫。金銀香每斤五百文。大楓子每斤一百
文。錫每斤五百文。苾布每疋一十五貫。肉苳
菴每斤五百文。古刺水內大合一貫。小合五
百文。萱蕊花每斤五百文。腰刀每把三貫。鐵
每斤三百文。花布每段一貫。大花手巾每條
二貫。小花手巾每條一貫。一應各樣簾布每

段一貫。沉香每斤三貫。黃熟香每斤一貫。華
澄茄每斤一貫。翠毛每斤三百文。烏爹泥每
斤五百文。紅紋節知被每條五貫。鹽每斤一
百文。梔子花每斤一貫。丁皮每斤五百文。悶
蟲藥每斤二百文。象牙每斤五百文。花檀單
每條一十貫。撒哈刺每疋一百貫。珊瑚枝每
斤三十貫。血竭每斤一十五貫。龍涎每兩三
貫。蘇合油每斤三貫。大玻璃瓶每箇三貫。小
玻璃瓶每箇二貫。大玻璃碗每箇三貫。小玻
璃碗每箇二貫。玻璃燈甌每箇二貫。鶴頂每

箇一貫。赤金每兩五十貫。足色銀每兩十五貫。降真香每斤五百文。安別牙每斤一貫。膽礬每斤二貫。回回石膏每斤一貫。珊瑚珠每兩二貫。烏木每斤五百文。安息香每斤五百文。紫檀木每斤五百文。木鱉子每斤三百文。雄黃每斤五百文。阿魏每斤二貫。堯羅布每段一十貫。絲手巾每條二貫。粟米珠每兩五貫。油血石每兩二貫。番砂每斤二百文。少牙吸荅納每斤五百文。八的阿納每斤四百文。三額阿刺必每斤五百文。別模刺每斤五百

文。厥枯露每斤二百文。加定每斤五百文。哈都味思每斤五百文。阿思摸達塗兒氣每斤五百文。暗花打布每段一貫。沙連布每段一貫。青查禮布每段一貫。加籠宜布每段一貫。烏連布每段一貫。勿那朱布每段一貫。蘇麻達每斤二百文。番弓每張二貫。番箭每枝一百文。

計折還物價

各色紵絲每疋折鈔五百貫。綾子各色每疋三百貫。紗各色每疋三百貫。絹各色每疋一

百貫。青絨毯子每疋六百貫。駝褐毯子每疋六百貫。青花白磁盤每箇五百貫。碗每箇三百貫。瓶每箇五百貫。酒海每箇一千五百文。豆青碗盤每箇一百五十貫。碗每箇一百貫。瓶每箇一百五十貫。麝香每斤一千五百貫。樟腦每斤一百貫。良薑每斤二十五貫。大黃每斤三十貫。鐵鍋三尺闊面每口一百五十貫。

各國額設通事

事例

洪武永樂以來設立

御前答應大通事有都督都指揮指揮等官統屬一十八處小通事總理來貢四夷并來降夷人及走回人口。凡有一應夷情譯審奏

聞○成化五年奏定小通事額數總不過六十名。遇有病故及為事等項革去職役者照缺選補。若事繁去處丁憂有過三名者量補一名。其新補通事鴻臚寺不支米辦事三年無過再支米辦事二年。送部考驗。如果通夷語無過者照例奏送吏部定奪冠帶。不諳夷語及有

過誤事者發原籍為民

計四夷一十八處額設通事六十員名

女直通事七員名 成化十九年添二名

達達通事七員名 成化十九年添一名

回回通事七員名 成化十九年添一名

雲南百夷等處六員名

安南國二員名

占城國三員名

日本國四員名

西番五員名 成化十九年添一名

真臘國一員名 成化二十年添一名

爪哇國二員名

緬甸一員名

朝鮮國五員名

暹羅國三員名

琉球國二員名

河西一員名 成化二十年添一名

蘇門答刺國一員名

畏兀兒二員名

滿刺加國一員名

交通朝貢夷人禁令

事例

弘治十一年。令迤北小王子等差使臣人等赴京朝貢。官員軍民人等交易。止許光素紵絲絹布衣服等件。不許將一應兵器并違禁銅鐵等物。有違犯者。處以極刑。○又令官員軍民人等。私將應禁軍器。賣與夷人圖利者。比依將軍器出境。因而走泄事情者律。各斬為首者。仍梟首示衆。○又令在京在外軍民人等。與朝貢夷人私通往來。投托管顧。撥置

害人。因而透漏事情者。俱問發邊衛充軍。軍職有犯。調邊衛帶俸差操。通事并伴送人等。係軍職者。照軍職例。係文職。有賊者。革職為民。○又令夷人朝貢到京。會同館開市五日。各鋪行人等。入館兩平交易。漆作布絹等項。立限交還。如賒買及故意拖延。騙勒夷人。久候不得起程。并私相交易者。問罪。仍於館前枷號一箇月。若各夷故違。潛入人家交易者。私貨入官。未給賞者。量為遍減。通行守邊官員。不許將曾經違犯夷人。起送赴京。○又令

會同館內外四隣軍民人等。代替夷人收買
違禁貨物者。問罪。枷號一箇月。發邊衛充軍。
○十三年奏准。甘肅西寧等處。遇有番夷到
來。本都司委官關防提督。聽與軍民人等兩
平交易。若勢豪之家。主使弟男子姪家人頭
目人等。將夷人好馬奇貨包收。逼令減價以
賤易貴。及將簾重貨物。并瘦損頭畜。拘收取
覓用錢。方許買賣者。聽使之人。問發附近衛
分充軍。干礙勢豪。及委官知而不舉。通同分
利者。叅問治罪。

歲進

各處歲進茶芽。及木瓜藥材。俱從土產去處
解送轉送該衙門供用。各有定數。今具列于
後

事例

茶芽

計各處歲進茶芽共四千二十二斤
直隸五百斤

常州府宜興縣一百斤。內二十斤南京禮
部納

廬州府六安州三百斤

廣德州七十五斤

建平縣二十五斤

浙江五百二十二斤

湖州府長興縣三十斤南京納

紹興府嵊縣八斤

會稽縣三十二斤

温州府永嘉縣一十斤

樂清縣一十斤

杭州府臨安縣二十斤

富陽縣二十斤

寧波府慈溪縣二百六十斤

慶州府麗水縣一十五斤

縉雲縣六斤

青田縣六斤

遂昌縣六斤

金華府蘭谿縣二十二斤

金華縣二十二斤

衢州府龍遊等縣共二十斤

台州府臨海等縣共一十五斤

嚴州府建德縣五斤

淳安縣四斤

遂安縣三斤

壽昌縣三斤

桐廬縣二斤

分水縣一斤

江西四百五十斤

南昌府七十五斤

南康府二十五斤

贛州府一十一斤

袁州府一十八斤

臨江府四十七斤

九江府一百二十斤

瑞州府三十斤

建昌府二十三斤

撫州府二十四斤

吉安府一十八斤

廣信府二十二斤

饒州府二十七斤

南安府南新縣一十斤

湖廣二百斤。內十八斤南京納

武昌府興國州六十斤

岳州府臨湘縣十六斤

寶慶府武岡州二十四斤

邵陽縣二十斤

新化縣十八斤

長沙府安化縣二十二斤

寧鄉縣二十斤

益陽縣二十斤

福建二千三百五十斤。內五十二斤南京納

建寧府建安縣一千三百六十斤

探春二十七斤

先春六百四十三斤

次春二百六十二斤

紫笋二百二十七斤

薦新二百一斤

崇安縣九百九十斤

探春三十二斤

先春三百八十斤

次春一百五十斤

金典卷一百二
二十四
薦新四百二十八斤

木瓜

計直隸寧國府宣城縣歲進木瓜二千三百箇

上瓜一千八百箇

中瓜五百箇

藥材

計廣西思明府歲進解毒藥五方三十四味
共三十八斤

錦地蘿一味重二斤

消食藥十味重十二斤

消毒藥十八味重十九斤

大衝藥一味重一斤

塞住藥四味重四斤

計四川成都府歲進藥材七味

天雄二十對

附子五十對

川烏三十對

漏籃二十斤

仙茅二十一斤

補骨脂十五斤
巴豆四斤

大明會典卷之一百二

大明會典卷之一百三

禮部六十二

精膳清吏司

諸司職掌

郎中員外郎主事掌邦國牲豆酒膳辦其品
數

膳羞一

諸司職掌

一凡遇正旦

聖節冬至或古慶筵宴所用諸品膳羞酒醴並須提
調光祿司供辦若管待諸番國朝貢等便客

并外夷來降土官人等茶飯物料。本部自行備辦。其宴之日。赴會同館管待。令教坊司供應。若奉

旨管待之人。俱於本部筵宴。正官主席。

一土官使客至會同館。除柴米鋪陳本館應付外。本部照依正從名數。每五日一次支送

下程

一管待物料。先期一日。本部劄付膳部。照依時價收買。仍令物戶親齎赴部。對物給價。其合用羊隻。主事廳具手本。赴光祿司關領原

編羊隻字號勘合。於司牧局照號關取造辦。管待畢日。仍回呈本部。開具買過物件。同支過價鈔數目。主事廳回呈關。過羊隻字號毛色斤重。本部判送立案。通類開銷。

一管待物件則例。每正一卓

菓子五色

按酒五色

湯三品

小割

正飯用羊

一支送下程則例。五日每正一名

猪肉二斤八兩

乾魚一斤四兩

酒一瓶

麪二斤

鹽醬各二兩

茶油各一兩

花椒二錢五分

燭每房五枝

已上下程若奉

旨優待不拘此例

一行聖公張真人到京下程

鷺二隻

麪一十五斤

酒四瓶

茶醬鹽各一斤

燭一十枝

一買辦管待物料鈔貫若支銷盡絕本部照

例具奏依數關領鈔錠回部收貯在庫聽候
買辦如支銷已盡依上關用

筵宴

事例

郊祀慶成永樂二年上卓按酒五般果子五般茶食

五般燒煤五般湯三品雙下饅頭馬肉飯酒

五鍾中卓案酒四般果子四般湯三品雙下

饅頭馬猪羊肉飯酒五鍾隨

駕將軍按酒一般粉湯雙下饅頭猪肉飯酒一鍾

金鎗甲士象奴校尉雙下饅頭教坊司樂人

按酒一般。粉湯。雙下饅頭。酒一鍾。○天順元年。上卓。寶粧茶食。嚮糖纏椀八箇。棒子骨二塊。大銀錠油酥八箇。花頭二箇。鳳鴨一隻。菜四色。按酒五般。湯三品。小銀錠笑靨二樸。鴛鴦飯二塊。大饅頭一分。果子五般。黑白餅一樸。鮮一樸。每人酒五鍾。上中卓。寶粧茶食。嚮糖纏椀八箇。棒子骨二塊。大銀錠油酥八箇。花頭二箇。甘露餅四箇。菜四色。按酒五般。小銀錠笑靨二樸。湯三品。鴛鴦飯二塊。大饅頭二分。果子五般。每人酒五鍾。中卓。寶粧茶食。

雲子麻葉二樸。甘露餅四箇。大銀錠油酥八箇。煤魚二塊。小銀錠笑靨二樸。果子按酒各五般。菜四色。花頭二箇。湯三品。熟猪羊飯二塊。大饅頭四分。每人酒五鍾。下卓。寶粧茶食。大銀錠油酥八箇。煤魚二塊。果子四般。按酒四般。菜四色。湯三品。馬肉飯二塊。大饅頭二分。每人酒五鍾。

聖節。永樂十三年。上卓。按酒五般。果子五般。茶食。燒煤鳳鷄。雙棒子骨。大銀錠大油餅。湯三品。雙下饅頭。馬肉飯。酒五鍾。上中卓。按酒四般。果

子四般。燒煤。銀錠油餅。雙棒子骨。湯二品。雙
下饅頭。馬肉飯。酒三鍾。中卓。按酒四般。果子
四般。燒煤。茶食。湯二品。雙下饅頭。羊肉飯。酒
三鍾。僧官等用素卓。按酒五般。果子。茶食。燒
煤。湯三品。雙下饅頭。馬肉飯。酒一鍾。金鎗甲士
般。壽麪。雙下饅頭。馬肉飯。酒一鍾。教坊司樂人。按
象奴校尉。雙下饅頭。酒一鍾。給俵內官內
酒一般。粉湯。雙下饅頭。酒一鍾。使。上卓。按酒五般。果子。湯二品。小饅頭。酒三
鍾。中卓。按酒四般。果子。湯二品。小饅頭。

正旦節。永樂間。上卓。茶食。像生小花。果子五
般。燒煤五般。鳳鷄。雙棒子骨。大銀錠。大油餅。
按酒五般。菜四色。湯三品。簇二大饅頭。馬牛
羊胙肉飯。酒五鍾。上中卓。茶食。像生小花。果
子五般。按酒五般。菜四色。湯三品。簇二大饅
頭。馬牛羊胙肉飯。酒五鍾。中卓。果子四般。按
酒四般。菜四色。湯二品。簇二饅頭。馬猪牛羊
胙肉飯。酒三鍾。隨駕將軍。按酒。細粉湯。椒醋
肉。并頭蹄。簇二饅頭。猪肉飯。酒一鍾。金鎗甲
士。象奴校尉。雙下饅頭。教坊司樂人。按酒。燒

牛肉。雙下饅頭。細粉湯。酒一鍾。

冬至節。永樂間。上卓。按酒五般。果子五般。茶食。湯三品。雙下饅頭。馬羊肉飯。酒五鍾。中卓。按酒四般。果子四般。茶食。湯三品。雙下饅頭。酒五鍾。將軍。按酒一般。雙下饅頭。粉湯。酒一鍾。金鎗甲士象奴校尉。雙下饅頭。教坊司樂人。按酒一般。雙下饅頭。粉湯。酒一鍾。

皇太后壽旦。正統間。上卓。按酒四般。菜四色。壽麪一椀。酒三鍾。中卓同。但壽麪二椀。酒六鍾。

東宮千秋節。宣德間。上卓。按酒四般。菜四色。壽麪

一椀。酒三鍾。中卓。按酒五般。菜四色。壽麪二椀。酒六鍾。

立春節。永樂間。上卓。按酒四般。湯一椀。春餅一椀。菜四色。酒三鍾。中卓。按酒四般。湯一椀。春餅二椀。菜四色。酒六鍾。

元宵節。永樂間。上卓。按酒四般。果子。茶食。小饅頭。粉湯。圓子一椀。菜四色。酒三鍾。中卓。按酒四般。果子。茶食。小饅頭。粉湯。圓子二椀。菜四色。酒六鍾。

四月八節。永樂間。上卓。按酒二般。不落莢一

櫟。涼糕一櫟。小點心一櫟。菜四色。湯一椀。酒三鍾。中卓按酒二般。不落莢一櫟。涼糕一櫟。小點心一櫟。菜四色。湯二椀。酒六鍾。

端午節。永樂間。上卓按酒五般。果子。小饅頭。湯三品。糕一櫟。粽子一櫟。菜四色。酒五鍾。中卓按酒四般。果子。小饅頭。湯三品。糕一櫟。粽子一櫟。菜四色。酒五鍾。教坊司樂人按酒一般。湯飯。酒一鍾。

重陽節。永樂間。上卓按酒二般。糕二櫟。小點心一櫟。湯一椀。菜四色。酒三鍾。中卓按酒二

般。湯二椀。小點心一櫟。糕二櫟。菜四色。酒六鍾。

臘八節。永樂間。上卓按酒四般。臘麪一椀。菜四色。酒三鍾。中卓按酒四般。麪二椀。菜四色。酒六鍾。

祭

太廟享胙。永樂元年。上卓按酒五般。果子五般。小饅頭。粉湯。酒三鍾。中卓按酒四般。果子四般。小饅頭。粉湯。酒四鍾。

祭

社稷享胙。永樂二年。上卓。按酒五般。果子五般。茶食五般。湯三品。雙下饅頭。馬猪羊肉飯。酒五鍾。中卓。按酒四般。果子四般。湯三品。雙下饅頭。猪肉飯。酒五鍾。

祭

先農享胙。永樂元年。上卓。按酒四般。簇四小饅頭。粉湯。酒六鍾。

駕幸太學筵宴。弘治元年。上卓。按酒五般。果子五般。大銀錠。大油酥。寶粧。鳳鴨。小點心。棒子骨。湯三品。菜四色。大饅頭。羊背皮。酒五鍾。中卓。

按酒五般。果子五般。茶食五般。煤魚。小點心。大饅頭。菜四色。羊脚子飯。湯三品。酒五鍾。進士恩榮宴。永樂十三年。上卓。按酒燒煤四般。寶粧茶食。果子五般。軟按酒五般。菜四色。湯三品。雙下大饅頭。羊肉飯。酒五鍾。上中卓。按酒燒煤四般。寶粧茶食。果子四般。軟按酒四般。菜四色。湯三品。雙下饅頭。羊肉飯。酒五鍾。○天順元年。每卓。煤魚。大銀錠。堆花。雙棒子骨。寶粧。雲子。麻葉。甘露餅。大油餅。鳳雞。燻猪肉。燻羊肉。小銀錠。笑靨兒。椒醋猪肉。椒末。

牛馬。椒醋雞并魚。湯三品。果子五般。小饅頭。雙下大饅頭。牛羊肉飯酒五鍾。○弘治三年。上卓。按酒五般。果子五般。寶粧茶食五般。鳳鴨一隻。小饅頭三楪。小銀錠笑靨二楪。棒子骨二塊。羊背皮一箇。花頭二箇。湯五品。菜四色。大饅頭一分。米糕二楪。添換羊肉一楪。酒七鍾。上中卓。寶粧茶食按酒果子各五般。鳳鴨一隻。小饅頭三楪。小銀錠笑靨二楪。煤魚二楪。羊脚子飯二塊。花頭二箇。湯五品。菜四色。大饅頭二分。添換羊肉一楪。酒七鍾。中卓。

茶食按酒果子各五般。甘露餅一椀。小饅頭三楪。小銀錠笑靨二楪。煤魚二楪。牛肉飯二塊。花頭二箇。湯五品。菜四色。大饅頭二分。添換羊肉一楪。酒七鍾。

管待番夷土官筵宴

凡諸番國及四夷使臣土官人等進貢。例有欵賜筵宴一次二次。本部預開筵宴日期。奏請內臣一員。大臣一員待宴。及行光祿寺備辦。於會同館待教坊司用樂。鴻臚寺令通事及鳴讚供事。儀制司領宴花人一枝。若使臣數多。分

二日宴。回還之日。差官伴送。沿途備辦飲食。經過去處。茶飯管待。各有次數。許鎮守總兵官。或三司。或府衛正官。二三員陪席。

朝鮮國

筵宴二次。宣德三年。使臣回還。薊州永平府。茶飯管待。

占城國

琉球國

爪哇國

暹羅國

筵宴二次。使臣回還。至廣東布政司。茶飯管待一次。

哈密

筵宴二次。使臣回還。至良鄉湯飯。陝西布政司。茶飯管待一次。

瓦剌

筵宴二次。正統間。使臣進貢。至大同。茶飯管待一次。回還。良鄉湯飯。至真定府。陝西布政司。甘肅。茶飯管待。

亦力把力

筵宴二次。正統間。使臣回還。至真定府。陝西布政司。甘肅。茶飯管待。○今例。良鄉湯

飯。至陝西布政司管待一次。

撒馬兒罕

筵宴二次。永樂間使臣回還。至甘肅管待一次。○正統十二年。使臣數少。甘肅管待多。則陝西布政司管待。甘肅止送下程。○今例。至良鄉湯飯。陝西布政司管待一次。

黑婁

筵宴二次。宣德七年。使臣朝貢。至潼關陝西甘肅管待。

土魯番

筵宴二次。使臣回。至良鄉湯飯。陝西布政司管待一次。

滿刺加國

筵宴二次。使臣回。至廣東布政司管待一次。○永樂間使臣回。經過府州管待。○正統間。濟寧江西布政司廣東布政司管待。○宣德八年。國王朝貢。廣東布政司并南雄贛州臨江淮安濟寧六府州茶飯管待。至通州。令行在光祿寺辦送茶飯接待。

日本國

筵宴二次。使臣回還。至寧波府管待一次。
○宣德間。使臣通州湯飯。合行在光祿寺
辦送。至濟寧州浙江布政司并寧波府茶
飯管待。

錫蘭山國

筵宴二次。使臣回至廣東布政司管待一
次。

安南國

女直都督

朶顏三衛

雲南土官

刺麻番僧

罕東衛

養獅豹回回

熾燭地面

坤城地面

日羅國

安定王

阿端地面

筵宴一次

火州

波呢國王

乞力麻兒

阿速地面

忽魯謨廝國

八答黑商

乞兒蠻

米兒哈蘭

甘把里國

柯枝國

白松虎兒

古里國

荅兒密

那姑兒

南孛里

永樂間筵宴一次

阿丹國

左法兒國

天方國

加異勒國

黑葛達國

哈失哈力

宣德間筵宴一次

戎地面

哈刺孩衛

曲先衛

訛加思蘭

買買回回鎖魯丹

正統間筵宴一次

赤斤蒙古衛

天順間筵宴一次

蘇門荅刺

筵宴一次使臣回至廣東布政司管待一次

榜葛刺國

筵宴一次使臣回經過府州茶飯管待

以必洗必兒

筵宴一次使臣回至大同茶飯管待一次

失刺思

亦思把罕

柳城

永樂間筵宴一次。使臣回經過府衛茶飯管待。

納失者罕王

永樂間筵宴一次。使臣回至保定真定彰德衛輝懷慶河南各府。潼關衛陝西布政司平涼府甘肅茶飯管待。

米昔兒

永樂間筵宴一次。使臣回至良鄉湯飯甘

肅管待一次

馬哈麻王

永樂間筵宴一次。使臣進貢經過有司茶飯管待。○天順四年。陝西布政司茶飯管待一次。

兀良哈

宣德間使臣朝貢。沿途茶飯接待。

哈烈

筵宴一次。永樂間使臣朝貢經過府衛茶飯管待。至涿州良鄉。令光祿寺辦送茶飯。

接待。回還。自良鄉抵陝西布政司。經過府州茶飯管待。

火刺扎

永樂十四年。使臣進貢。經過府衛州縣管待。

蘇祿國

永樂十五年。筵宴一次。國王來朝。經過府衛茶飯管待。回還亦如之。

真臘國

景泰間。筵宴一次。使臣回還。廣東布政司

管待一次

沙州衛

正統間。筵宴一次。使臣回還。至良鄉湯飯

甘肅管待一次

尚師

法王

永樂間。尚師法王來朝。經過府分茶飯管待。回還亦如之。

可脫兒

永樂間。使臣進貢。經過府分茶飯管待。至良鄉。令光祿寺辦送茶飯接待。

討來思

宣德六年。使臣回。至真定府陝西布政司
甘肅茶飯管待

迤北

正統間。筵宴二次。○成化十一年。使臣朝
見酒飯。中卓。按酒每牒加四兩。茶食每牒
加二兩。果品內核桃榛子紅棗各加二兩。
膠棗一牒加四兩。餘同常例。○弘治元年。
使臣進貢。至大同茶飯管待。榆河驛湯飯。
回還。至大同茶飯管待。

筵宴番夷土官卓面則例

永樂元年。上卓。按酒五般。果子五般。燒爍
五般。茶食。湯三品。雙下大饅頭。羊肉飯。酒
七鍾。中卓。按酒果子各四般。湯二品。雙下
饅頭。牛馬羊肉飯。酒五鍾。○天順元年。上
卓。高頂茶食。雲子麻葉。大銀錠油酥八箇。
棒子骨二塊。鳳鷲一隻。小銀錠笑靨二牒。
茶食。果子。按酒各五般。米糕二牒。小饅頭
三牒。菜四色。花頭二箇。湯三品。大饅頭一
分。羊背皮一箇。添換小饅頭一牒。按酒一

般茶食一碟。酒七鍾。中卓寶粧茶食。雲子
麻葉二碟。甘露餅四箇。鮮魚二塊。大銀錠
油酥八箇。小銀錠笑靨二碟。果子按酒各
五般。菜四色。花頭二箇。湯三品。馬肉飯一
塊。大饅頭一分。添換小饅頭一碟。羊肉一
碟。茶食一碟。酒七鍾。

番夷人等朔望朝及見辭酒飯常例
上卓按酒用牛羊等肉共五碟。每碟生肉
一斤八兩。茶食五碟。每碟一斤。果五碟。核
桃紅棗榛子每碟一斤。膠棗柿餅每碟一

斤八兩。中卓按酒用羊牛肉四碟。每碟生
肉一斤。茶食四碟。每碟十兩。果四碟。核桃
榛子紅棗每碟十兩。膠棗十二兩。酒三鍾。
湯飯各一碗。

大明會典卷之一百三

大明會典卷之一百四

禮部六十三

膳差二

下程

事例

番夷土官使臣下程

凡諸番國及四夷土官使臣人等進貢等項到會同館俱有常例并

欽賜下程本部奏准通行光祿寺支送其

欽賜下程一次者仍支常例下程或五日十日一次

者常例下程住支若已經給賞兩月之外不

行回還者住支下程

常例下程

每人日支肉半斤。酒半瓶。米一升。蔬菜厨料
欽賜下程

朝鮮國

安南國

占城國

琉球國

爪哇國

暹羅國

已上各一次。每五人羊鷄雞各一隻。酒十瓶。

米七斗五升。蔬菜厨料

朝鮮國加果子茶食各四盤。柴炭各二百

斤。暹羅國加酒十瓶

○正統六年。占城王孫等二十三

人下程。牛二隻。羊四隻。鷄四隻。雞十隻。酒四

十瓶。米二石。蔬菜厨料。天順四年。占城王族

下程與王孫同。但減牛一隻

野人女直都督一次。每一人。鷄一隻。雞二隻。

酒二瓶。米二斗。麪二斤。果子四色。蔬菜厨料

日本國

滿刺加國

錫蘭山國

朶顏三衛

哈密

瓦刺

亦力把力

撒馬兒罕

土魯番

黑婁

蘇門答刺

以必洗必兒

戎地面

米兒哈蘭

米昔兒

孛刺安衛

哈刺孩衛

買買回回鎖魯丹

罕東衛

阿端地面

迤北

那姑兒

已上各五日一次。每十人羊鷩雞各一隻。阿端

地面減酒二十五瓶。黑婁那姑兒米五斗。麩

十二斤八兩。果子一斗。蘇門答刺那姑兒燒餅

二十箇。糖餅二十箇。米兒哈蘭減二十箇。蘇門答刺加十箇。那姑兒

減蔬菜厨料

雲南土官。十日一次。每十人羊鷩雞各一隻。

送牛肉地方每米一石。送糯米地方每酒二

十五瓶。果子四色。蔬菜厨料

榜葛刺國一次。每五人羊鷩雞各一隻。酒十

瓶。米五斗。麩十斤。果子四色。蔬菜厨料

失刺思。宣德間。使臣八人。五日一次。羊鷩雞

各二隻。酒二十瓶。米四斗。麩二十五斤。燒餅

八十箇。果子十五斤。蔬菜厨料

納失者罕王。永樂間。使臣十八人。一日一次。

羊五隻。鷺四隻。雞十隻。酒三十瓶。米一石。麪百斤。果子五斗。燒餅一百箇。糖餅六十箇。蔬菜厨料。頭目等十六人。三日一次。羊四隻。鷺三隻。雞四隻。酒二十瓶。米七斗。麪五十斤。果子四斗。燒餅八十箇。糖餅三十箇。蔬菜厨料。火州。永樂間。使臣二十五人。五日一次。羊四隻。鷺一隻。雞四隻。酒十五瓶。麪三十斤。米一石。餅一百二十五箇。果子四斗。蔬菜厨料。養獅豹回回。永樂間。使臣九人。一日一次。羊一隻。鷺一隻。雞二隻。酒十瓶。米三斗。麪五十

斤。餅五十箇

蠟燭地面。使臣五十人。五日一次。羊七隻。鷺六隻。雞十隻。酒一百三十瓶。米二石。麪一百五十斤。果子一石。餅二百五十箇。蔬菜厨料。亦思把罕。永樂間。使臣四十四人。一日一次。羊八隻。鷺二隻。雞十隻。酒三十瓶。麪八十斤。米一石。果子六斗。餅二百箇。蔬菜厨料。唎呢國王。永樂間。使臣二十一人。三日一次。羊二隻。鷺四隻。雞八隻。酒二十瓶。米一石。麪三十斤。果子四色。蔬菜厨料。○洪熙間。使臣

三十六人。三日一次。羊五隻。鶩十隻。雞二十隻。酒十瓶。米二石。麪六十斤。果子五盤。每盤十斤。鹽五斤。醬三斤。花椒一斤。香油四斤。醋四瓶。茶二斤。蔬菜厨料。

阿速地面。永樂間。使臣一百十二人。三日一次。羊八隻。鶩四隻。雞八隻。酒一百四十瓶。米二石五斗。麪一百五十斤。果子四色。燒餅一百二十箇。蔬菜厨料。

乞力麻兒。永樂間。使臣十一人。五日一次。羊二隻。鶩二隻。雞四隻。酒十瓶。麪三十斤。米一

石。餅六十箇。果子二斗。蔬菜厨料。

沙哈魯。永樂間。使臣七十七人。一日一次。羊十二隻。鶩四隻。雞十四隻。酒五十瓶。米一石五斗。果子一石。麪一百二十斤。燒餅二百箇。糖餅一盤。蔬菜厨料。

忽魯謨廝。永樂間。使臣十四人。三日一次。羊三隻。鶩二隻。雞四隻。酒十五瓶。麪四十斤。米一石。餅八十箇。果子四斗。蔬菜厨料。

八答黑商。永樂間。使臣四十人。一日一次。羊二隻。鶩二隻。雞五隻。酒二十瓶。米五斗。麪二

十斤。果子二斗。燒餅四十箇。糖餅四十箇。蜜
二斤。蔬菜厨料。三日一次。漆送羊一隻。鷩一
隻。雞二隻。米五斗。

柳城五日一次。每十人。羊鷩雞各一隻。酒七
瓶。麪十五斤。米五斗。果子二斗。餅四十箇。蔬
菜厨料。

乞兒蠻五日一次。每十人。羊鷩雞各一隻。酒
二十二瓶。麪十五斤。米五斗。果子二斗。餅五
十箇。蔬菜厨料。

馬哈麻王。永樂間。使臣十三人。五日一次。羊

六隻。雞十隻。酒二十五瓶。麪一百斤。米一石。
餅一百六十箇。果子七斗。蔬菜厨料。頭目六
人。羊四隻。鷩三隻。雞四隻。酒二十瓶。麪八十
斤。米一石。餅一百五十箇。果子六斗。蔬菜厨
料。

甘把里國

柯枝國

已上。永樂間。使臣各六人。三日一次。羊一隻。
鷩二隻。雞四隻。酒十瓶。麪二十斤。米五斗。果
子四色。蔬菜厨料。

白松虎兒。永樂間。使臣十六人。一日一次。羊

二隻。鷺二隻。雞四隻。酒十瓶。果子二斗。米四斗。麪二十斤。餅六十箇。糖餅一盤。蔬菜厨料古里國。永樂間。使臣十八人。三日一次。羊二隻。鷺四隻。雞八隻。酒二十瓶。米一石。麪三十斤。果子四色。蔬菜厨料。

日落國

兀良哈

哈烈

女直都指揮等官

火刺札

烏思藏等處刺麻番僧

蘇祿王

尚師

法王

婆羅門

可脫札

討來思

札加思蘭

已上止支常例下程土官番僧人等無關文者不支

答兒密。永樂間。使臣十八人。五日一次。羊二

隻。鷺二隻。雞四隻。酒十瓶。麪三十斤。米一石。

果子二斗。餅六十箇。蔬菜厨料

敏真城等處。永樂間。使臣四十人。一次。羊三

隻。鷺一隻。雞二隻。酒四十瓶。米一石五斗。麪

四十斤。果子二斗。燒餅五十箇。糖餅四十箇

蔬菜厨料

南字里十日一次。每五人羊鷩雞各一隻。酒十瓶。米五斗。麪十六斤。果子四色。蔬菜厨料。安定王十日一次。每十人羊一隻。鷩四隻。雞八隻。酒五十瓶。米一石。麪二十五斤。果子四色。蔬菜厨料。

阿丹國宣德間使臣四人。三日一次。羊鷩雞各一隻。米三斗。麪十斤。酒五瓶。果子四色。餅二十箇。蔬菜厨料。

朶兒只伯。正統間使臣四人。十日一次。羊一隻。鷩雞各二隻。米四斗。麪十斤。果子一升。燒

餅二十箇。蔬菜厨料

左法兒國宣德間使臣四人。三日一次。羊鷩雞各一隻。米三斗。麪十五斤。酒六瓶。果子四色。餅三十箇。蔬菜厨料。

曲先衛宣德間使臣七人。五日一次。羊鷩各一隻。雞三隻。米三斗。酒二十瓶。麪十五斤。果子四色。蔬菜厨料。○正統間使臣二人。十日一次。羊一隻。酒十瓶。麪五斤。米二斗。果子四色。燒餅糖餅各八箇。蔬菜厨料。

天方國

加異勒國

已上。宣德間。使臣各二人。三日一次。羊雞各一隻。米二斗。麪十斤。酒三瓶。果子四色。餅二十箇。蔬菜厨料。

沙州衛。正統間。使臣四人。五日一次。羊鷩各一隻。雞二隻。酒十瓶。米二斗。麪五斤。果子四色。蔬菜厨料。

哈失哈力。宣德間。使臣十四人。三日一次。羊鷩各二隻。雞三隻。酒二十一瓶。米四斗二升。麪二十一斤。果子一斗四升。蜜一斤。餅四十五箇。蔬菜厨料。

赤斤蒙古衛。天順間。使臣四人。五日一次。鷩二隻。雞四隻。酒八瓶。米八斗。麪八斤。果子四色。蔬菜厨料。

真臘國。十日一次。每十人。羊鷩雞各二隻。酒二十瓶。米一石五斗。蔬菜厨料。

黑葛達國。宣德間。使臣十一人。三日一次。羊一隻。鷩二隻。雞四隻。酒十七瓶。米四斗。麪十五斤。果子四色。蔬菜厨料。

凡使臣進貢。沿途關支廩給口糧。回還亦如之。○成化十九年。令夷人進貢。及回至陝西。

布政司限二十日內照例茶飯管待起程。如過期及中途無故停止一日之上者廩給住支。

凡使臣進貢回還沿途茶飯廩給口糧之外支送下程。

朝鮮國

占城國

琉球國

爪哇國

暹羅國

滿刺加國

日本國

錫蘭山國

迤北

已上每人肉半斤酒半瓶

哈密

瓦刺

撒馬兒罕

土魯番

已上每十人羊一隻酒二瓶半皆日止支一

處○宣德二年各國番王王親頭目人等朝

貢到於福建廣東等處除筵宴及本等廩給

口糧外日用下程番王每人雞二隻肉二斤

酒一瓶柴薪厨料王親每人肉一斤酒一瓶

柴薪厨料使臣頭目每人肉半斤酒半瓶柴

薪厨料番伴女使人等止支口糧柴薪○七

年。失刺思等處使臣回到甘州。月送羊酒。半年之外。止支本等廩給口糧。○正統三年。瓦刺使臣停止去處。每十人五日一次。羊二隻。酒十五瓶。柴薪厨料。

衍聖公張真人下程

洪熙元年。衍聖公進表赴京。

欽賜羊一隻。鷩三隻。酒十瓶。麪二十五斤。茶鹽醬各二斤。油燭二十枝。○宣德四年。衍聖公張真人到京。

欽賜羊一隻。鷩二隻。酒六瓶。麪二十斤。茶鹽醬各二

斤。油燭十枝。

王國下程

永樂間。

親王之國厨料。醬一百斤。香油五十斤。椒二十斤。乾魚一百斤。醃羊一隻。子鱈魚四十斤。醃猪一口。醃鷩一隻。醃鹿一隻。醃鹿二隻。醃雞九隻。白麪一百斤。茶芽五斤。葉茶二十斤。醬瓜四十條。黑沙糖十斤。藕煎五斤。木瓜湯煎五斤。醬茄一百五十箇。醋蒜三百箇。酒五十瓶。醋二十瓶。芝麻一石。糖茄一百五十箇。米三

石○洪熙元年。

靖江王府輔國將軍來朝。

欽賜羊十隻。鶩十隻。雞二十隻。酒一百瓶。米四石。果子五色。茶食五盤。柴三百斤。蔬菜厨料。又

靖江王府奉國將軍來朝。

欽賜羊五隻。鶩五隻。雞十隻。酒十五瓶。米二石。果子五色。茶食五盤。柴一百五十斤。蔬菜厨料○

宣德間。

趙世子安陽王來朝。

欽賜羊三隻。鶩三隻。雞六隻。酒三瓶。米一石五斗。柴

四百斤。蔬菜厨料○又合

親王之國厨料。照永樂間例。仍加猪二十隻。羊二十隻。酒一百瓶○天順元年。

襄王來朝回還。沿途飲膳厨料。并祇待隨從內外官校人等。經過軍衛有司。量給供用○成化間。

親王之國。照宣德間例。經過有司去處。量送鶩二隻。時新菜蔬供用○凡各

王府差來人員。常例下程一次。鶩二隻。雞二隻。酒五瓶。米五斗。蔬菜厨料

厨役

諸司職掌

一凡選取各項厨役或事故新僉光祿司具呈本部照數類行各處選取精壯慣熟無過犯殘疾之人起送到部轉發光祿司着役若有厨役病故遺下家小呈送到部劄付應天府給引或遞送回還原籍

事例

凡光祿寺厨役起送來京有司連當房妻小給與口糧脚力紅船其告補者遇有弟男等

項本部查勘明白發寺替補其告老疾無丁代替者本部先送光祿寺勘驗明白取具該署官吏人等不扶結狀繳部覆審無礙具奏類送順天府給引照回免其雜泛差役仍行有司僉補其逃厨兒男告補者本部行勘明白暫令補役正身自首仍行文替出其在逃者三月之外恭送法司問罪送回轉發着役三月之內免送問隨發着役其在逃三次者依律責罰畢仍發口外為民當房家小隨住其各

王府奏保典膳。本部移咨吏部。查照年深無過者選用。其

郡王府廚役。每位四名。行令有司護衛人戶內。中半僉撥

凡太常寺廚役。洪武間定四百名。永樂中添二百名。景泰六年添三百名。成化十五年添三百名。弘治五年添三百名。共一千五百名。分撥

太廟

郊壇供祀。其在逃未及五月者收役。三月之外者送

間。及逃厨兒男。告補暫替者。俱與光祿寺例同。其父母原籍病故者。本部行查無礙。給引照回奔喪。限半年。十箇月。仍回復役。其有刑餘喪過者。不許登壇。其有為事。曾經法司的決者。改送光祿寺當差。其弟男等項。告替者。弘治七年奏准。照景泰間例。俱本部查勘明白。一年二次類奏。替補送寺着役。其老疾無丁代替者。本部查勘明白。亦類奏送順天府。給引放回。仍行原籍僉補。

凡太常寺光祿寺厨役。私自逃回原籍潛住

者弘治十三年奏准。許里甲人等首官解部。不許津貼盤纏。其在原籍中途及到部挾詐。誑騙告害人者。問罪立案不行。逃回至三次以上者。問發口外為民。

凡太常寺廚役。但係訐告詞訟及因人連累。問該笞杖罪名者。納鈔仍送本寺着役。徒罪以上。及姦盜詐偽。并有誤供祀等項。不分輕重。俱的決做工。改撥光祿寺應役。

俸給

諸司職掌

一每歲會計合用俸米數目。戶部定撥糧長到部送納。本部劄付膳部。并委官眼同依數交收在倉。隨即出給倉鈔付納。戶收領。候齊足。出給通關一掾三本。交付糧長收領。仍將收過米數。通咨戶部。其所收糧米專一放支本部。并合屬衙門官吏月俸。

一本部官吏該支月俸。每月初本部通類立案。劄付膳部及委官。或儀部祠部主客部官一員。眼同放支。膳部主事廳出給印信俸帖。付官吏收執。赴倉關支。仍將放過某字號倉

糧米數目。分豁正米附餘。開呈本部。判送膳部立案。

一帶支太常司翰林院等衙門官吏俸給。每月預先將合支數目。開呈本部立案。通類劄付膳部。委官照依各衙門齎到印信俸帖。赴倉依數關支。畢日依數開呈。

一帶支衙門

太常司 今為寺

光祿司 今為寺

翰林院

春坊

儀禮司 今為鴻臚寺

司經局

欽天監

行人司

鑄印局

教坊司

欽天回回監 後革

後太常寺。翰林院。鴻臚寺。欽天監。行人司。各自立倉。春坊。司經局。俱於詹事府帶支。

藏冰

諸司職掌

一每歲冰結之時。本部堂上官預先奏

聞膳部官赴內官監。關支鑰匙。錦衣衛差撥力士。或

工部差撥脚夫。各備器具。赴正陽門外打掃

冰窖。就行戶部關撥新鮮稻草并蘆蓆襯墊

完備。伺候冰凍。揀擇潔淨去處取水。節次挑赴冰窖內。如法收藏封鎖。將鑰匙送赴內官。仍移付祠部照例祭祀。着軍人看守以備應用。

內府冰窖收藏冰雪。係內官監官自行提調。合用襯墊蘆蓆稻草。本部照例移咨戶部依數支撥。就差人送

內府冰窖處所交收

器皿

諸司職掌

一凡宴享合用一應器皿及各項厨役懸帶雙魚銅牌。光祿司開呈本部。移咨工部照數造完。轉發光祿司收用

一鑄完厨役雙魚銅牌。本部具印信手本。開寫號數。送赴

內府印綬監收掌。凡遇光祿司厨役合用銅牌。本司自具手本。赴本監關用

今宴享器皿。每歲器皿廠造一萬件。發光祿寺收用。見工部都水司職掌

行移

諸司職掌

一凡有一應行移在外事務儀部等四部各開事件移付通具印信手本。赴禮科關填勘合。照會各布政司并劄付直隸府州。照依坐去勘合內事件。轉行所屬作急理辦。如有遲悞不完。仍行催督。每於年終各該有司分豁已未完結事件。連原填去勘合張數。造冊差人親齎奏繳。仍用備細開報本部以憑查銷。

事例

凡填寫勘合。本部照依地方編寫字號內外底簿二冊。并勘合字號紙。編寫畢。押印完備。

外號底簿發去各布政司并直隸府州收掌。內號底簿并勘合號紙。本部收貯。候儀制等四司。凡有一應行移在外事務。移付精膳司。送發勘合科。填寫號紙。照會各布政司。并劄付直隸府州。赴通政司掛號。送發兵部車駕司。轉發各司府州。比對硃墨字號相同。將開去事件作急完報。如號紙盡絕。照字號接編如前。各該司府州候年終。將發去勘合并底簿拆粘具本奏繳。仍具青冊一本送部稽考。勘合字號

浙江以字

江西准字

陝西誠字

廣東及字

廣西即字

河南正字

湖廣各字

雲南若字

貴州柔字

山東格字

山西致字

四川其字

福建皆字

安慶府能字

松江府賢字

蘇州府功字

淮安府平字

鳳陽府修字

廬州府勤字

保定府雨字

應天府雲字

揚州府齊字

河間府露字

徽州府貴字

寧國府原字

真定府騰字

順德府麗字

常州府故字

池州府亨字

大名府結字

永平府金字

廣平府霜字

鎮江府親字

太平府賓字

保安府崗字

滁州官字

徐州治字

隆慶州崑字

廣德州列字

和州利字

大明會典卷之一百四

